

*Dum : quid Meurerus doceat , quid Næuius , audis  
Quid cum Gütlero tu quoq; Barthe feras.  
Lipsia quos olim , dulce est meminisse , fouebat,  
Lipsia Pegasidum , Pieridumq; domus.  
Peiferum vita functum , pono ordine in illo,  
Qui te ista , fida duxit in arte manu.  
Hei , quanta hîc acie est oculorum opus , ordine certo  
Sparsa per innumeros , prendere sensa libros.  
Et petere ingenio suprema cacumina honorum,  
Quæ : ( non inuideo ) tu modò iure tenes.  
Lipsia mirata est iuuenem , laudauit , amauit,  
Auxit honore etiam deinde Magisterij.  
Donec , ubi perfecta virum te reddidit etas,  
Inclyta DOCTORIS dat Basilea gradum.  
Dat Basilea gradum , vocat optima patria ciuem,  
Ut medicam illius consulat ager opem.  
Hei mihi , cur multis ô patria terra , negata es,  
Cur ducenda alio vita misella loco ?  
Hospes , ego in patriam veniens , sum quinq; dierum,  
Cur me tam parui patria terra facis ?  
Quicquid erit , superanda omnis fortuna precando est,  
Sum procul à patria , fausta precor patria.  
Plura tue laudi , mi Sponse , & honoribus addam,  
Non decet , ad fœdus connubiale queri.  
Dum fortè ad cyathos alij sunt fronte serena,  
Et fallunt blandis tempora longa iocis.  
Non lapis es flammaram expers , sed gemma smaragdus,  
Quo vestit digitos bella puella suos.  
Quæstio mota fuit , quanam sit virgo smaragdo  
Hoc digna , ut decoret brachia , colla , sinum.  
Certum est , ipsi auro virides certare smaragdos,  
Inuenienda ergò est , aurea theca tibi.*

*Ad Di-*